

ხს. მ. აბაშიძე



— აი, გავუვი შეკითხვა, რას შვრებთანო! რა ვუთხრა?!  
— უთხარი რავე!  
— შენ უთხარი, თუ ასე აღვილია!



# თვალს ახ ვუჭახებ, ბიძო!

თბილისში, კუს ტბის ფერდობზე, სოფ-  
ლურ დასახლებას მოგვარი თვალი და სი-  
ხარულით გული ამიჩქროლდა. დაგვექი ტა-  
ქსში და იქ გავეჩნდი. გზადაგზა შოფერმა  
მიამბო, ღია ცის ქვეშ მუზეუმს აშენებენ  
აგერ ათ წელზე მეტია და, არ დაადგა სა-  
შველი, ძველი საქართველო უნდა იყოს, მა-  
მაპაპური სახლ-კართა და ეზოებით. აშე-  
ნდა მისი ოჯახი, ვინც ეს მოიფიქრა! დღე-  
ვანდელ სოფელს ველარ იცნობთ, ბიძო!  
ხალხი მოლონიერდა და მისდგნენ ძველე-  
ბის ნაამაგარს, ისეთი წაბლის ოდები და  
ალაყაფის ჭიშკრები დაანგრეს, მათი გამ-  
კეთებელი საფლავში გადაბრუნდებოდა.  
წამოჭიმეს უშველებელი სასახლეები, იმდენი  
ოთახი აქვთ, წელიწადში ერთხელ არ მო-  
უწევთ შესვლა. ღობე-ყორეს ვილა კადრუ-  
ლობს, ეზოს რკინა-ბეტონის გალავნები შე-  
მოავლეს, ისე არიან გამაგრებულ-ჩასანგ-  
რებულები, თითქოს ალამაჰმადსანობას ხე-  
ლახლა ელიან. დიახ, ბატონო, დიახ, ზოგი-  
ერთმა იოლად გამდიდრებულმა ჩვენი სო-  
ფელი ნამდვილად დაამახინჯა. ჰოდა, ძა-  
ლიანი საქმე დაუწყიათ ამ თბილისში! აქ,  
მუზეუმში, მაინც შევინახოთ ქართული სო-  
ფლის მოხდენილობა და სილამაზე!

მივაღდექი მუზეუმის ჭიშკარს და ბევრად  
ვერაფრად მეჭაშნიკა. გორდიდან დადიანი-  
სეული ჭიშკრის ბოძები ჩამოუტანიათ, არ  
ჰგავს ჩვენიერს, რაღაც ევროპულად ნა-  
წვალებია. შე კაცო, რა გაგიჭირდათ ამის  
ფასი? ისინი დადიანების ისტორიის უტყვე  
მოწმედ ადგილზე დაგეცვათ!... ჰოდა, თუ  
ძველქართული ჭიშკარი ვერსად შეიგულებო,  
იმერეთში კიდევ აკეთებენ მთლიანი ქვის  
კოხტა ბოძებიან ჭიშკრებს...

აგერ რო სახლია ახალი აშენებული,  
თვალები გეტკინება: მორუქურთმებული სვე-  
ტები ქართულია — ქრისტიანული, თვი-  
თონ სახლი ყალბი სამშენისებით მოურ-  
თავთ, აი, ისე არმად გამდიდრებულ-გასუ-  
ქებული კაცი თავის სასახლეს რომ გულის-  
ამრევად მოკაზმავს და ააყვირებს: მე ვარ  
და ჩემი ნაბადიო! თურმე ეს უსახური შე-  
ნობა მუზეუმის დირექციისათვის აუშენე-  
ბიათ! ჩემი გლეხური ჭკუით, კარგიც რომ  
იყოს, აღმინისტრაციული ნაგებობა საჩვე-  
ნებელ კარ-მიდამოებში შეჭრაღი მაინც  
არ ვარგა!

დიდი სწავლა-განათლება არ მიმიღია,  
მარა ავს და კარგს, ჯერჯერობით, ვარჩევ-  
ისიც ვიცი, ასეთი მრავალფეროვანი მუზე-  
უმის აშენება, ამგვარ რთულ ფართობზე  
ძლიერ თავსატეხია. ძველი საქართვე-  
ლოს ასახვა ძნელია, ბატონო, ძნელი!  
ცოდვა გამხელილი ჯობია და ადგილიც  
არ არის მაინცდამაინც მოხერხებულად შე-  
რჩეული. იმაშიც გეთანხმებით, გაკეთებუ-  
ლის დაწვინება ადვილია, მაგრამ საქმე და-  
წყება კი არა, ბოლომდე მიყვანა! ჰოდა,  
რადგან დაიდეთ მძიმე უღელი, თქვე მამა-  
ცხონებულებო, კეთილი ინებეთ და თავს  
მეტი ძალა დაატანეთ! შენჩემობიას ჯობს,  
სხვები დაიხმაროთ, ერთი-ორი კაცი ამხე-  
ლა ამბავს ვერ მოერევა, ვერ აუკა! ხალხს  
უნდა დაეკითხოთ, ბიძი, ხალხს!

ჩვენებური გლეხი, ბატონო, თუ არ სჭირ-  
დებოდა, ეზოში სარს არ დაასობდა. ამ  
თქვენს მუზეუმში ერთი თვალის გადავლე-  
ბით შევნიშნე, რომ ბევრი რამაა ზედნეჭი.  
ხარჯს რომ თავი დავანებოთ, მეცნიერულ  
პასუხისმგებლობას სადღა წაუვალთ?! ჯერ  
ერთი, საქართველოს არც ერთი კუთხე  
უშუალოდ ერთმანეთში არსად გადადის.  
ამოსასუნთქი. რაღაცა საზღვარი მაინცაა.  
ეს აქ არ იგრძნობა. ნაგებობანიც დასავლეთ  
საქართველოსათვის გაუმართლებელი სიმ-

ჭიდროვითაა მიჯრილი. აგერ „გურია“ მო-  
ვინახულთ: სახლი, სამზადი, ხულა, ნალია  
გაბუტულებივით ზურგშექცეულები დგანან,  
მაშინ, როდესაც მოსახლისათვის არსებითი  
იყო მათი ისე შეთანწყობა, რომ მოხერხე-  
ბულად მისადგომი ყოფილიყო. ნაგებობა-  
თა გამოყენების თვალსაზრისით განლაგება  
თავისთავად იძლეოდა გარეგულ სრელ-  
ყოფასა და მოხდენილობას. ამიტომ იყო  
ჩვენი სოფლები ისე თავისებური და ისე  
მშვენიერი. დღეს, სამწუხაროდ, იკარგება  
სოფლის უბრალოება, სისადავე, საუკუნე-  
ების მანძილზე გამომუშავებული, დასახ-  
ლების განუმეორებელი სტილი. ჰოვცხელა  
ზედმეტობა; ფუფუნება და, ვაი, ჩვენი ბრა-  
ლი, რომ ძველი საქართველოს ამსახველ  
ღია ცის ქვეშ მუზეუმშიც ეს სულისკვეთე-  
ბა ტრიალებს!

არც „სამეგრელო“ უკეთეს დღეში: ერ-  
თი სამზადი უკულმა დაუდგამთ: თვალებს  
არ დაუკურე, ასჯერ შემოფარე, მარა მა-  
ინც უკულმა და მაინც. იმის ნაცვლად,  
რომ უნებლიედ დაშვებული შეცდომა გა-  
მოვეწორებინათ და ეს შენობა წაღმა დაე-  
დგათ, ამდგარან და უკანა კედელში კარი  
გაუჭრიათ, ვითომ უკულმა წაღმა გამოვო  
და ქე დაუტოვებიათ ასე. კი, ბატონო, მე  
არაფერს ვიტყვი, მაგრამ დამთვალეირებე-  
ლი რომ მიტყ, იმას რაღა პასუხს ვასცემთ?!  
უკულმას წაღმად რანაირად მოაჩვენებთ?!  
„იმერეთი“ ხომ მთლად მოგისპიათ!

ერთ კარ-მიდამოში ორი სახლ-სამზადი  
რატომ დგას?! სხვა შენობებსაც არ ეტკო-  
ბათ ხალხური სიციცხლე!... აფსუს, იმერე-  
თო, კოპწია კარ-მიდამოებითა და ოდებით  
თავმოწონებულ იმერეთო! ჩვენ რა ვქნათ?  
ადგილის ბრალიაო, იტყვიო! არა, თქვენი  
ჭირიმი, არა, შორს ნუ წახვალთ, აგერ რი-  
კოთს გადაღმა ხეფინივსა და ნადაბურში  
ჩაბრძანდით და ნახეთ ხელოვნურად და-  
ტურასებულ ფერდობებზე, კლდე-ხრიოკებ-  
ზე ჩაქარგულ-ჩაჭიკიკიებული კარ-მიდა-  
მოები და ერთხელ კიდევ იწამეთ ქართველი  
გლეხის, დიდი ილია რომ იტყოდა, უძვე-  
ლესი მკვიდრისა და შეუდარებელი მიწათ-  
მოქმედის მაღალი კულტურა, კარ-მიდა-  
მოთა მოწყობის, სახლთა, „ნამშროლთა“  
განლაგება-აშენების სწორუბოვარი ხელო-  
ვნება! თქვენ, თქვენ რა ღმერთი გაიწყ-  
რათ, ნასწავლო ხალხო?! იქ, იმერეთში,  
შეგერჩიათ რომელიმე მოხდენილი კარ-მი-  
დამო და მისი სახე მუზეუმში ვადმოგე-  
ლოთ! მე ვინ მკითხავს, მარა აქ რაც გა-  
გიკეთებიათ, ჩემი აზრით, რაც მართალია,  
მართალია, დასაწუნია!


ვაი, შენ ჩემო თავო! ახლა „ქართლ-კა-  
ხეთში“ რა ამბავია! იმაზე არაფერს ვამბობ,  
„მესხეთ-ჯავახეთის“ თავზე ჩვენი ხეაფრი-  
ელი დედა და ვაკევეყანა კახეთი როგორ

წამოუსკუებიათ. ასე თუ მივეყვით „რა-  
ჭის“ თავზე „აჭარას“ რა უნდა?! „აჭარის“  
თავზე — „აფხაზეთს“?! მაგრამ თავის მა-  
რთლება აქაც შეიძლება: ერთი ფერდობია  
და რა ვქნათო! თუმცა ამ მცირე ქედამ გა-  
აზრება დიდ კავკასიონად შეიძლებოდა და  
მისი მიხედვით საქართველოს კუთხეთა გა-  
ნლაგება უფრო ადვილი და სინამდვილეს-  
თან მიახლოებული იქნებოდა. ეხ, ახლა  
უკვე გვიანაა: ადგილობრივი ვიწრო ხეი-  
ბები თანამედროვე, ფართო გზებით გადა-  
იჭრა, გარემომ ამით ბუნებრიობა დაკარგა  
და მუზეუმის მშენებლები თავიანთი გაყვა-  
ნილი გზების ტყვეობაში მოექცნენ. ეე,  
ძნელი საქმეა, ძნელი... მესხური დარბაზის  
თავზე რომ დაცოდვილებული გუმბათიანი  
სახლია წამოჭიმული, კახურადაა გასაღე-  
ბული, ქვევით „ქართლში“, მიწის ხედა-  
პირზე, ერთი დარბაზია, მუსულმანის ქე-  
დივით იმასაც რაღაც გუმბათი ახურავს!  
ვაითუ, ასე დატოვონ! მის ხელმარჯვივ ბა-  
ნიანი სახლი დაუდგამთ, წინა ნაწილი სა-  
ცხოვრებელია, უკანა — მარანი. გლეხი კა-  
ცი ვარ და გამოიკვირდა: მარანს კარი არა  
აქვს! კაი, ბატონო, ყურძენს საწინახელში სა-  
რკმლიდან ჩაყრიან, მარა მთელი სახლის  
გავლით მარანში რატომ უნდა იარონ, ვე-  
რაფრით ამიხსნია. ვთქვათ, ასე იყო, დაგი-  
ჯერებთ, ოღონდ მილიონი მნახველი რომ  
მოვა. იმას რაღას ეუბნებით?!

ერთიც საწყენია: ბანიანი სახლი და და-  
რბაზები ფსითა და „ტოლით“ გადაგი-  
ხურავთ! როგორც მითხრეს, წყალი მაინც  
ვერ გაგიჩერებიათ, ჩვენი მამა-პაპა საგან-  
გებოდ შერჩეული თიხის ტყეპნიდა ბანს და  
წყალგაუმტარს ხდიდა. ფერეიდან ჩა-  
მოსახლებულმა ქართველებმა მიამბეს, მათ  
ძველებს იქ, შორეულ ფერეიდანში, სიუგ-  
ნიათ ქართულის მსგავსი ბანის მოსატყეპნი  
თიხისათვის! თქვენ რაღა გავიჭირდათ?!  
მუზეუმი თუ ჰქვია და ძველი საქართველოს  
ასახვა გინდათ, კეთილი ინებეთ და ისე, იმ  
წესების დაცვით აშენეთ, როგორც ჩვენი  
წინაპრები აშენებდნენ! აბა, რას ჰგავს,  
იმერულ სახლებს ცალფად ყავარი რომ და-  
ახურეთ და ძვირფასი კედლები ლებება?!  
მართლ, მავიწყდებოდა, ამ ხის სახლებსა  
და ნივთებს შეწამვლა-გამაგრება არ სჭი-  
რდებოდა? ამ მდგომარეობაში როდემდე  
გასძლებს? ე დანახისხლად ნაყიდი საწინა-  
ხლები, ურმები, სახვნელ-გუთნები და სხვა  
მისთანანი ღია ცის ქვეშ რომაა, არ გენანე-  
ბათ?! ამათ ხომ საუკუნეებს უნდა გაუძ-  
ლონ?! სიონის ტაძართან საფლავის ქვები  
ისე მიგიყრიათ, თითქოს ბუდლოხერს გა-  
დაეგლოს. იმ ქვის კუბოს რას ერჩით, უძვე-  
ლესი ქართული წარწერა რომ ამშვენებს?  
აფსუსია, ქარ-წვიმა და მზე ღრღნის.  
შლის!.. მგონი, თხუთმეტი საუკუნე იყო  
ბოლნისის ისტორიულ მიწაში, თხრილის  
გაყვანის დროს ტრაქტორმა ამოაგლო,  
თქვენ გადასარჩენად, დასაცავად ჩამოი-  
ტანეთ და აქ, ბალახებში, ცაწმინდას ქვეშ  
დადევით, ბარე ხუთი წელიწადი იქნება.

გავიკითხე და გავიგე: კავკასიაში ღია  
ცის ქვეშ მუზეუმის მშენებლობა პირველად  
ჩვენ დაგვიწყია! იქნებ, იმიტომ ვერ ვაბამთ  
საქმეს თავს?! მაგრამ, უცხოეთს თავი რომ  
დავანებოთ, ბალტიისპირეთში ხომ აქვთ კა-  
რგად გამართული მუზეუმები: ღია ცის ქვეშ  
ახლა კიევში დაუწყიათ და ისეთი გაქნე-  
ბით მუშაობენ, თურმე ჩვენ მოგვასწრებენ!  
ქართველებს ერთი უხეირო ზნე გვჭირს:  
საქმის დაწყება ყველაზე ადრე და ადვილად  
ვიციოთ, მაგრამ ბოლომდე მიყვანისა რა  
მოგახსენოთ!..





„ცხს: ვინ ვის უთვალთვა-  
ლებს?“ — ასეთი ანშლაგით გა-  
მოვიდა ურნალი „ნიუს უიკი“.  
რომელმაც დიდი ადგილი დაუ-  
თმო როკფელერის კომისიის მო-  
ხსენებას.

## ჯაუჯუური აისბერგი

ამერიკის შეერთებული შტატების ცენ-  
ტრალური სადაზვერვო სამმართველოს ან-  
ტიკონსტიტუციურმა ოპერაციებმა, რომ-  
ლებიც ტოტალურ ჯაშუშობად იქცნენ რო-  
გორც ქვეყნის შიგნით, ისე მის საზღვრებს  
გარეთაც, გამოიწვია ამერიკელი მოსახლე-  
ობისა და ყოველი პატიოსანი ადამიანის  
სამართლიანი გულისწყრომა. საზოგადოებ-  
რიობის დაბეჯითებითი მოთხოვნით შეიქმნა  
სპეციალური კომისია ნელსონ როკფელე-  
რის ხელმძღვანელობით, რომელიც ნ თვის  
განმავლობაში სწავლობდა ცხს-ს „მოდვა-  
წეობას“. თუმცა უნდა აღინიშნოს, რომ  
პრეზიდენტისათვის წარდგენილ მოხსენე-  
ბაში კომისიამ დუმილით აუარა გვერდი  
ისეთ „ჭუჭყიან ოპერაციებს“, როგორცაა  
შეთქმულებები უცხოელ მოღვაწეთა მკვლე-  
ლობის მიზნით, უცხო სახელმწიფოთა ში-  
ნაურ საქმეებში უხეში ჩარევა და ა. შ.  
ბურჟუაზიული ყოველკვირეული „ნიუს  
უიკიც“ იძულებულია აღიაროს, რომ კომი-  
სიამ მხოლოდ ამ გიგანტური შპიონაჟის  
ზედაპირს გადაავლო თვალი, ხოლო ცხრა  
მეათედი თვალთაგან უხილავი დატოვა...

— „ყოველი დღე საზარელ ამბებს ხდიდა  
ფარდას“, — განაცხადა კომისიის ერთ-  
ერთმა წევრმა. მოეწყო მკვლელობის რამო-  
დენიმე ოპერაცია, ფიდელ კასტროს, ტრუ-  
ხილის, პატრის ლუმუმბასა და სხვა სა-  
ხელმწიფო მოღვაწეთა ფიზიკურად გასანა-  
დგურებლად. უმეტესი კი ცხს-მ განახორ-  
ციელა... ფიდელ კასტროს მოსაკლავად ჩა-  
ტარებული ოპერაცია რამდენიმეჯერ ჩაიშა-  
ლა (ამ ამბავმა შემდეგში ფართო რეზონან-  
სი ჰპოვა!) ჭეშმარიტების დასადგენად კო-  
მისიას სამი-ოთხი თვე კიდევ დასჭირდე-  
ბოდა, მაგრამ, როგორც ისევ კომისიის ერთ-  
ერთმა წევრმა განაცხადა „ალარავის უნდო-  
და ამ უსუფთაობის ქექვა“. ხოლო პრეზი-  
დენტი ფორდი სთხოვდა კომისიას გამოე-  
ჩინა „მაქსიმალური კეთილგონიერება...“

კომისიამ გამოიჩინა ეს „კეთილგონიე-  
რება“. ცენტრალური სადაზვერვო სამმარ-  
თველოს ცხრა მეათედი განაგრძობს თავის  
შაგბნელ საქმიანობას!



ტ. 76

— კან უნდა დაიტრაგახოს, გაგუა მყავდარ: სიცოცხლეში ჰერს  
დაახურა, გადასახურავით კი მანქანა უხილა!

## ცნობა

**ცნობა** ადამიანს სჭირდება დაბადებამდეც!.. დიახ, ექიმმა თუ არ გასცა  
ცნობა, რომ შენ შვიდი თვისა ხარ, დეკრეტული შვებულება არ გაფორმდება!..  
ცნობა გინდა აგრეთვე დაბადებისთანავე!.. წინააღმდეგ შემთხვევაში, აო  
გექნება დაბადების მოწმობა!..

ცნობები საჭიროა მთელი სიცოცხლის განმავლობაში, ყოველი ფეხის  
გადადგმაზე, გაუთავებლად, დაუსრულებლად!..

და, ბოლოს, ყველა ცნობის წერტილის დამსმელი — გარდაცვალების  
ცნობა!..

...სტუდენტმა წარმოადგინა ცნობა, რომ ის მუშაობს ამა და ამ ადგილზე.  
დირექტორს ეჭვი ეპარება და ამოწმებს ცნობის სინამდვილეს.

რატომ?

იმიტომ, რომ, როგორც ყველასათვის ცნობილია, ცნობა შეიძლება იყოს  
ნამდვილი და ყალბი!..

ყალბი ცნობები, თავის მხრივ, იყოფა ორ ნაწილად: ნახევრადყალბი და  
მთლადყალბი.

ყალბი ცნობების მაგალითი უამრავია: ახალგაზრდას, რომელსაც მშობ-  
ლები არჩენენ, აქვს ცნობა, რომ დედა-მამა მის ჯმაყოფაზეა.

ან: კაცს ავადმყოფობა არა აქვს, მაგრამ აქვს ცნობა, რომ ის დაავადებუ-  
ლია სასუნთქი გზების კატარით.

ან: ვილაცა კიევის ბაზარში ყიდის მანდარინს და ხელზე აქვს ცნობა,  
რომ მანდარინი ნამდვილად საკუთარ საკარმიდამო ნაკვეთშია მოკრეფილი!..

ზოგს ძალიან უყვარს ცნობების შეგროვება. ათი ცნობა რომ ჰქონდეს,  
მანც არაა კმაყოფილი და კიდევ ეძებს. რად უნდა?

უნდა!..





**მამ, ასმ:** სტარტი აღებულია! მათე ხუთწლედს თავის ბარაქი-  
ან საჭურჭლეში უხვად აქვს ჩილოები, რომლებიც გადაეცემათ  
ყველაზე გამრჩეებს, ყველაზე საზრიანებს, ყველაზე პატიოსნებს!..  
არ უნდა დაიკარგოს არც ერთი წამი, კაპიკი, მარცვალი, კომბა-  
ინმა მეტი უნდა მომკას, ტრაქტორმა მეტი უნდა მოხნას, დაზგამ მე-  
ტი უნდა გამოუშვას და ყოველივე ეს უნდა იყოს მაღალი ხარისხი-  
სა! სამართლიანი და მკაცრია ხუთწლედის არბიტრაჟი!

1968 წელს თბილისის ლითონკონსტრუქციების ქარხანამ ძვირ-  
ფასი ნობათი მიიღო: უამრავ ყუთში განლაგებული იყო 315 ტონის  
სიმძლავრის წნეხი, რომელიც სრულყოფას, ანუ, ტექნიკური ენით  
რომ ვთქვათ, დამონტაჟებას ელოდა.

„ძვირფასი ნობათი“ 64.787 მანეთად  
გახლდა შეფასებული!

დამონტაჟება 1970 წლამდე გაგრძელდა და  
წნეხმა კიდევ უფრო მოიმატა ფასი. ქარხნის  
ეზოში აღიმართა ვეებერთელა ინდუსტრიული  
ლამპმანი. სულ ცოტა ხანში გოლიათმა წნეხმა  
ფეხები შენობის პირველ სართულზე დადგა.  
თავი მეორე სართულის ჭერს მიაბჯინა და რკი-  
ნის ხახაში მშენებლობის თანხებიც ერთ ყლუ-  
ბად გადაუშვა!..


ბოლოს და ბოლოს, როგორც იქნა, ახენუნდა,  
აქოთქოთდა წნეხი და დაიწყო თხევადი გაზის  
ბალონების ძირების ტვიფრისა და კასრების  
ძირების გამოჭრა. იგი მუშაობდა ერთგულად,  
დაუღალავად, ხელისგულზე ერბო-კვერცხს იწ-  
ვავდა და ამაგს იხდიდა.

1975 წლის დადგომისთანავე გადაწყდა: თხე-  
ვადი გაზის ბალონები უნდა დაემზადებინა  
ცხინვალის მექანიკურ ქარხანას, ხოლო ლითო-  
ნის კასრები — ზუგდიდის სამრეწველო კომ-  
ბინატს.

დადუმდა წნეხი, სიცოცხლის ყოველგვარი  
ნიშანწყალი დაკარგა და იქცა უყაირათობის,  
მოუქნელობისა და დაუდევრობის სიმბოლოდ!..

ოთხკედელშია მოქცეული წნეხი ამოდ იკავებდა უზარმაზარ  
ფართს, ამიტომაც განაჩენი უმაღლე იქნა გამოტანილი: გაეგდოთ გა-  
რეთ, როგორც უსაქმური და მუქთახორა.

დატრიალდა დაახლოებით ისეთი ისტორია, როგორც ქვევრში



შესაკებლად შემძვრალი კაცისა, რომელიც შიგ ცატეხილი ადგი-  
ლიდან შევიდა, ხოლო, შეკეთების შემდეგ, გარეთ ვერაფრით მოა-  
ხერხა გამოსვლა — წნეხი ვერ გამოეცხა თავისი ყოფილი ბინიდან.

გაჩნდა ახალი თავსატეხი: წნეხი ფართს უსარგებლოდ იკავებს.  
ამიტომ საჭიროა მისი იქიდან გამოტანა, მაგრამ ვერ გამოეცევა, მა-  
შასადამე, ფართი დაიკარგება! თუ გამოიტანენ, შენობა უნდა დაინგ-  
რეს! თუ შენობა დაინგრევა, ფართი, თავისთავად, ისევ დაიკარგება!

ამუშავდა ჩიხში მომწყვდეული გონება და გამოსავალი მოხახა.  
დაშლონ წნეხი და ნაწილ-ნაწილ გამოიტანონ შენობიდან. დაალო  
რსევ თავისი გაუმძღარი რკინის ხახა წნეხმა და რვა ათასი მანეთი  
მოითხოვა დაშლისათვის.

ჩაფიქრდნენ: ჩამოტანა ფული დაჯდა, აწ-  
ყობა ფული დაჯდა (თუმცა, რამდენი, ქარხნის  
ქელმძღვანელობამ დღემდე ვერ გაარკვია!)  
ნისთვის ბინის აშენება უფულოდ არ მომხდა-  
რა, დაშლაში ისევ ფულია საჭირო, გატანასაც  
ხომ ფული უნდა?! თუ დაშლაში რვა ათასი  
მანეთი მოთხოვეს, აწყობაში გაცილებით მეტი  
იქნება საჭირო. რადგან დანგრევა აშენებაზე  
უფრო ადვილია.

რა გულმოდგინებით, რა გაბედულად, რა  
ხელგაშლილად იყრება წყალში სახელმწიფო  
ფულები!..

ალბათ, ბევრს აწუხებს ეს ამბავი, თუმცა...  
ქარხნის მთავარ ინჟინერს — არჩილ იასონის  
ძე ხომასურიძეს რომ ჩამოვეუდეთ ლაპარაკი  
ამის შესახებ, მან საოცარი გულგრილობით,  
პილატესავით გადაიბანა ხელი:

— ეგ არც მე მეხება და არც ღირექტორს!  
ჩვენ ორივენი ახალი მოსულები ვართ, წნეხი  
კი ჩვენამდე მოიტანეს!..

ვინ უწყის, რამდენი საქმე გაფუჭებულია გუ-  
ლგრილობითა და ხელის ასე გადაბანით!..

სამწუხაროდ, თბილისის ლითონკონსტ-  
რუქციების ქარხანა ერთადერთი არაა, სა-  
დაც უქმად ცდება ტექნიკა! მსგავსი მაგალითი


უამრავია! ნიანგი მომავალში იმათაც მოინახულებს! აუცილებლად  
მოინახულებს!

შანი სიხარულიძე,  
ბარი მებრეველი.

**დისციპლინა** და მომთხონელობა. კვლავ რჩება მომენტის ერთ-ერთ მთავარ მოთხოვნად.  
ამასთან უნდა ვებრძოლოთ, როგორც ეს სრულიად სამართლიანად ითქვა თბილისის საქალაქო  
პარტიულ კონფერენციაზე, ეგრეთ წოდებულ მომუშავე მუქთახორებს, ე. ი. ადამიანებს,  
რომლებსაც უკავიათ თანამდებობა, ადგილი სახალხო მეურნეობაში, იღებენ ხელფასს, მაგრამ  
არაეფთხად ფასეულობებს არ ქმნიან.

**საპარტოველოს კომპარტიის 111 პრილოზის მასალაშიდან**

ნახ. ბ. ლომიძის



მომუშავე მუქთახორა

### ბადაკრული საუბარი


- რას შვრება შენი გადარეული ქმარი?
- წერტილს არ სვამს კიდევ?
- კი, წერტილსას სვამს ისევ!
- სახლში როგორ იქცევ ა?
- სახლშიც იქცევ და კიბეზეც!
- პატივს თუ გცემს?
- კი გცემს, ყოველდღე გცემს!..
- შენ?
- მეც ვცემ, აბა არ ვცემ?
- დედამთილი თუ გვხმარება?
- იშვიათად.
- პატივი ეცი, შვილო, უფროსი ადამი-  
ანია!
- ვცემ, დედიკო, არც მას აკლია ჩე-  
მი ხელი!
- მის საქმეში ერევი?
- ხან ვერევი, ხან ვერა.
- მასე, შვილო! უნდა გაუმართოთ სე-  
ლი ერთმანეთს, სხვანაირად არ იქნება, ახა-  
ლი ოჯახია!

ბ. ნიკოლოზიძე



# ჰე, მტკვარო, მტკვარო!

საქართველო  
გეოგრაფიული



„მინ იცის, მტკვარო, რას ბუტბუტებ, ვისთვის რას იტყვი, მრავალ დროების მოწამე ხარ, მაგრამ ხარ უტყვი!“

— უთქვამს დიდ პოეტს.  
ჩვენ, კი მისი შთამომავალი „ფიქრთ გასართველად“ კი არა, ჩამაფიქრებლად ვამბობთ:

კიდევ კარგი, რომ, მტკვარო, უტყვი ხარ, თორემ ისეთი შავი დღე და ფერი გადგას, ისე ხარ დაშხამულ-დაბოღმილი, დანაგვიანებული, ენა რომ ამოიღება, კი არ იბუტბუტებ, არამედ იღრიალებ, „მიშველეთო!“

და, აი, ჩვენც გვინდა, რომ გიშველოთ, შენი მტკნარობა აღვიდგინოთ, შენი სიმდიდრე — „ცოცხალი“ — ვახმარტალოთ! სამწუხაროდ, ჯერჯერობით, ვერ გიშველეთ: გამტკნარების მაგივრად, კვლავ შეფერილი მოედინები!..

ყოველ ღონეს ვხმარობთ, რათა გიხსნათ ბრაკონიერებისაგან, — აღჭურვილები რომ არიან მეოცე საუკუნის თევზჭერის ტექნიკური იარაღებით!.. მტკვარო კი ჩამაშამებული ბუტბუტებს: შეისმინეთ, ვახუშტი რას ამბობდა:

„არს მტკვარი სასმელად გემოიანი და შემრგო.“

„გარნა კიდეთა მტკვრისათა ამიერ და იმიერ კლდენი ქარაფოვანი, უმეტეს ადგილთა ჭალიანი, ბალახიანი, ჩალიანი, ნადირიანი, ფრინველიანი. ზის მას შინა თევზნი მრავალნი და გემოიანნი. რომელსა იპყრობენ ბადით, კონით, ფაცრით, ნემსკავით, საფიჩხულითა და ორ-

ხით. უამაც იპყრობისცა ზუთხი, რამეთუ განჯის ქვემოთ არს ამ მდინარესა შინა ურიცხვ.“

აუჰ... რა ყოფილა ვახუშტის დროს მტკვარი!

მივცეთ თავს უფლება: ერთ წუთს წარმოვიდგინოთ, ვახუშტი აღსდგა და მტკვრის ხეობას აპყვა, გადახედა და შეისწავლა. უდავოა, ის თავის ნათქვამს ასეთ რედაქციას გაუკეთებდა:

„არს მტკვარი სასმელად უგემოიანი და ურგო.“

„გარნა კიდეთა მტკვრისათა ამიერ და იმიერ კლდენი ნაქარაფოვანი, უმეტეს ადგილთა ნაჭალოვანი, უბალახონი, უჩალოვანი, უნადირონი, უფრინველონი. ზის მას შინა თევზნი მცირენი და უგემოიანი, რომელსა იპყრობენ ქლორითა, ციანლანითა, დინამიტითა, ელექტროდენითა და ბულოდოზერითა, უამად იპყრობისცა ზუთხი უზომოდ მაღალფასოვანი ავლაბარსა შინა კერძოდა, რამეთუ განჯის ქვემოთ არს ამ მდინარესა შინა ურიცხოდ მცირე...“

კიდევ კარგი, რომ მეოცე საუკუნის მეცნიერების მიღწევები უძღურია გარდასულ ადამიანთა გასაცოცხლებლად, თორემ ვახუშტისათვის, რომელიც ახლანდელი მტკვრის ჭირსა და ფარამს ასეთა სიტყვებით აღიქვამდა, ინფარქტი გარდაუვალი იქნებოდა! ხოლო ტატო კი, თავისი ნაღვლიანი „ფიქრთ გასართველად“ მტკვრის ნაპირს ახლოს არასოდეს გაეკარებოდა!..

ნოდარ კოჭლავაძე



„მეტიპროტიპა“

## სარგები ვასილიევი

### მნიშვნელოვანი აღმოჩენა

აკიბრამა

ყველა კრებაზე იჭდა მღუშარედ, ოღონდ უყვარდა თავის კანტური.

ყველამ იფიქრა: არის ჭკვიანი.

თავდაჭერილი, საქმით გართული!..

ცხოვრება ჩქეფდა... და ერთხელ მხოლოდ


მან ორი სიტყვა თქვა კრების ბოლოს!..

წამს მთელ დარბაზში ის საიდუმლო

გამოუცნობი იქცა ცნობილად... და წასჩურჩულეს ერთმანეთს უმაღ-

— ეს რა სულელი ვინმე ყოფილა!

თარგმანი ვასილ ლავრაშვილისა



ცხცლმოკიდებული მშვანილი ცხცლგამკლუ სიივში



— ჩემს მძღოლს ისე დავაყენებინე მანქანა, რომ სამსახურის დამთავრებამდე ვერც ერთი თანამშრომელი ვერ გაიპარება!





ცნობილ ქართველ მხატვარ-კარიკატურისტს, საქართველოს სსრ დამსახურებულ მხატვარს—ანდრო გალერიანის ძე კანდელაკს—დაბადების 60 წლისთავი შეუსრულდა.

მისი პირველი ნახატი 1935 წელს დაიბეჭდა „ნიანგში“. მას შემდეგ დავალომოსილი მხატვარი ჩვენი ჟურნალის ერთ-ერთი აქტიური და ნაყოფიერი თანამშრომელია. 1940 წელს მუშაობდა „ნიანგის“ მხატვრის თანამდებობაზე, საიდანაც გაიწვიეს დიდ სამამულო ომში. საბჭოთა არმიის რიგებში იმყოფებოდა 1946 წლის ბოლომდე.

სხვადასხვა დროს ანდრო კანდელაკი იყო კინოსტუდია „ქართული ფილმის“ მულტიფილმების სტუდიის მთავარი მხატვარი, გაზეთ „მოლოდინი სტალინის“ მხატვარი, გაზეთ „ზარია ვოსტოკას“ ილუსტრაციის განყოფილების გამგე, თბილისის სამხატვრო აკადემიის უფროსი მასწავლებელი ამჟამად მუშაობს საქართველოს კაცის გამომცემლობის სარედაქციო ჯგუფის მხატვრად. არის სსრკ მხატვართა და ჟურნალისტთა კავშირების წევრი. თბილისსა და მოსკოვში გამოცემული აქვს ნახატი-კარიკატურების 2 ალბომი.

### „ნიანგი“ — ა. კანდელაკს!

სამოცი წლისთავს ვულოცავთ დიდებულ ანდრო კანდელაკს — შობილს ჭეშმარიტ ჭრტლმუნად. ვუჟაკ და სათნო ქართველად! იუმორი და სატირა ფერებში ანთო ხანთელად! ხიშტი და ფუნჯით იბრძოდა! წარსული ათოვს ნათელად! კაცს, კანდელივით ბრწყინვალეს, ქველგან ღიმილი მიჰყვება! ანდროს სტუმრობით „ნიანგის“ სუყველა კარი იღება! იუბილეზე კანდელაკს, — ვინც მუდამ ღნენად იღვრება, — ვუმღეროთ კანდელაკური — ძველი საღვინო სიმღერა!

„ნიანგის“ დავალებით —

ზაურ გოლჭავაძე

№ 6 1945  
თბილისი  
ფასი 2 ჰ.

# ნიანგი

გაზეთის  
წელი XXII  
გაზეთის  
„ნიანგი“



ვინდორში, გალახგულახში, თავს იწონებდა იაო,  
თავს თავმჯდომარე წააღვა, — ერთი ზარმაცი ძიაო, —  
ალერსით უსაყვამურა: სიმიწი რად არ გჰვინაო?!  
შენ არც გათონხა გჰირღება, არც თმვის კამპანიო!



„კავკასიური ტარის წრა“.

## თავლასხმა

მუშტრის თვალთ შემომხედა...  
მერე, რაც ძალი და ღონე მქონდა, ყელში წამიჭირა თეთრი ნაჭერი... თვალეზი ღამის ვადმომცვივდა...  
შემდეგ ერთი ხელი თავზე დამადო, მეორეთი ნიკაპს დაეჭიდა და ღონიერად ამოქრა... უბა მომეჭკა...  
დანა მოიმარჯვა, მეცა და მთელი ძალით დამისვა ლოყაზე... იფეთქა სისხლმა... მასზე ამას სულაც არ უმოქმედია... უმოწყალოდ მეორე მხარეზეც დამისვა...  
ცვირ-პირი სააღდგომო კვერცხივით შემეღება... მერე მდულარე წყალი შემახსხა სახეზე... სასტიკად ამეწვა და ავღრიადი... ის კი იღიმებოდა კიდევ... ხოლო, როცა ბოთლით სახეზე რაღაც მყარად და მწვავე სითხე შემახსურა, ვეღარ გავუძელი სასტიკ წამებას და ფეხზე წამოვვარდი... ის კვლავ ირონიულად იღიმებოდა და ხანდახან მრავალმნიშვნელოვნად დასცქეროდა ქვითარს, რომელიც მაგიდაზე იდო...  
მას შემდეგ საპარიკმახეროს საღაროში ქვითარი აღარ შემეძინია...

მურად კარქვავაძე

კავლახის რივილი  
ეროვნული  
(მესტვირული) იზლირთეკა

„ვაი ქანდაკებულთა, რომელთა არა აქვთ სული, ანუ სახე!“

### ქველი ალთქმა

ჩამოვსულვართ შორიდან, ენახეთ ყველა ალაგი; უფრო დამშვენებულა ჩვენი დედაქალაქი!

ქალაქს ამკობს ქანდაკი, ტყეს — შუხა და ურთხელა, მავრამ გვიჭირს ყველა ხის და ქანდაკის კურთხევა!

ხენეში ხე მოიჭრა, შეშად მაინც გამოდგა, — მდარე შეგლის სიკეთე როგორ უნდა გამოვთქვა? —

აწოწილა უსახმოდ, დაუძაბავს ძარღვები; ბაღე ბაგეს მოწყდება ბგერა — ყურის წამლები:

„ვაი! თუმცა მახარებს სიახლე და შენება, — ნუთუ, მე ვარ თბილისის სახელი და მშვენება?“

იქით ვილაც მოლვანის ისმის თითქოს კვენესაო: „კვარცხლბეკიდან ჩამოდსკით, მე არა ვარ ესაო!“

ნუთუ, დიდმა როდენმა ლოდი ისე დაწურა, — სული აღარ შემოგვრჩა, — გავიმართოთ კაცურად?!”

ერთი ჩივის: „რას მარგებს, თარიღები მიქარგო? ცხენზე შემსვი, გავიქცე; სადმე გადავიკარგო!“

მგოსანმა თქვა: „ვინ შემსვა ასე მალა ქანდაკი? ჩამიყვანეთ სარდაფში, ნახეთ სადმე ხანდაკი!“

ქვა ღალადებს: „ოსტატო, არ მქონია ბედლი: ვიდრე შემეხებოდი, ვლირდი ბევრად მეტიო!“

მთელი დამე მესმოდა ამ ძეგლების ჩივილი... სტვირზე დამიკვენესია მათი გულის ტკივილი.

დაუფიქრდი, ოსტატო, არ ამიკლო ამაზე: თუ ბაძვაა, რაღა სხვებს? — კლასიკოსებს წაბაძე!

საქმე არის მშვენების, საქმე არის შეგნების: მეგობარი არა ვარ უსახური ძეგლების!

აბაკი გელოვანი



**ხულოს** რაიონის სოფ. ჰეროდან იწერებიან: ჩვენს სოფელს პატარა მდინარე — ხიხანის წყალი შუაზე ჰყოფს. გაზაფხულს მოსვლა ყველას უხარია, ჩვენ კი შიშის ზარსა გვეცემს. გლობა დარეკილი სკოლის ზარი გამოვლ მეტ მოსწავლეებს სწავლის დაწყებას გვაუწყებს, მაგრამ აღიღებული მდინარე ახლოს არ გეკარებს. ხიდი? სანამ მდინარე პატარაა, პატარა ხიდიც გვაქვს, აბობოქრდება მდინარე და პატარა ხილს ჩაყლაპავს...

...სად არ ვიყავით და ვის არ მივმართეთ! აქარის ასსრ საგზაო სამმართველო ხულოს რაიონის საგზაო სამმართველოს უფროსის წერილს, სამმართველო აღმასკომს უთანხმდება, აღმასკომი — აქარის საგზაო სამმართველოს!.. ჩვენ კი ველოდებით გზას ან ხილს!..

**ორჯონიძის** (ხარაგაულის) რაიონში კი არა, მთელს ღუნიანზეა ცნობილი მდინარე ჩხერიმელა. ამ მდინარეზე, რკინიგზის ბაქანთან ახლოს, არის ხიდი. ხიდს ისე ვამბობთ, თორემ იგი ჩამბაზების სავარჯიშოდ გაჭიმულ ბაგის უფრო წააგავს. ამ საიტის გარშემო ერთხელაც შე-



გაწუხებთ. ძვირფასო ნიანგო! თქვენ კი გამოეხმაურეთ და რჩევა-დარიგებაც მოგვეცით; თუ ხიდი არ გაკეთდა, ჩამბაზთა სექცია ჩამოაყალიბეთო, მაგრამ ამანაც არ გვიშველა! რა ვქნათ, ზა წყალში ჩავეარდეთ?!

— მანდ ვილაც ჩამბაზობს და ჩხერიმელას არ გადაპყვეს!

**პახვის** რაიონის სოფ. კავთისხევის ახალგაზრდობამ საჭიდაო მოედანი მოეწყვეთ მსაჯთა მაგიდითა და სკამებით. რაც მოვიდავები ვართ, ამ რაოდენობის მაყურებელს ძელსკამებიც გავითვალისწინეთ. მონდომება დიდი იყო და შედეგსაც არა უშავდა რა, მაგრამ სოფ. კავთისხევის საბავშვო ბაღის გამგემ, ს. ლოტოევამ, არავის არაფერი ჰკითხა, ცუდით გამოვარდა და სიმწრის ოფლით მოწყობილი საჭიდაო არენა და სკამები, თავის მსაჯთა მაგიდიანად, ნაფორტებად აქცია!

— ეს რატომ ჩაიდინეთ, ქალ ბატონო სუსანა? — ეკითხებიან კავთისხეველი მოკიდავები.

— იმიტომ, რომ ჩერ საბავშვო ბაღი ააშენეთ, ბავშვები აღზარდეთ და შერე იქიდავეთ! — გვიპასუხა სუსანამ.

კი მაგრამ, ერთი მეორეს უშლის?

**ორჯონიძის** რაიონის სოფ. მოქვის დასახლება „აბჟარის“ მცხოვრებნი ორი მდინარის შუა ველაგართ („ორ ცეცხლს შუა“ ხომ გაგიგიათ, აა, თითქმის ისე...). შევეკარით ოთხი ზე ხიდის მაგიერ, აღიღდა მდინარე, წაიღო ჩვენს მიერ გავებული ხიდი... ცურვა კარგი ვიცით, მაგრამ ზამთარში, ცოტა არ იყოს, გაცივდა, ტანისამოსით ცურვა კი მაინცდამაინც სასიამოვნო არ გახლავთ. სკოლა და ჩაის ფაბრიკა მდინარის მეორე ნაპირზეა. გაცივებდა მდინარე, მოსწავლეები სკოლაში ვერ მიდიან, ჩვენ კი — ჩაის ფაბრიკაში. ექიმი ჩვენამდე ვერ მოდის, ფოსტალიონმა ცურვა არ იცის, გაზის მანქანა სათოფეზე არ გვეკარება და სტუმარი ხომ ფეხის წვერსაც არ ისევლებს წყალში...

მოისმინა ჭანი სიხაბულიძემ

ნახ. ზ. ფირცხალავასი



კლავიატის კეპასი

**მოლა ნასრედინი ყვარელგაზში**

იქნებ, არც დაგვიჩერონ ყვარელგაზისა და გურჯაანგაზის მესვეურებმა, თუ ვიტყვით. რომ მათ ორგანიზაციებში მოლა ნასრედინის ორეულმა მოიკალათა და ისეთივე სახუმარო ოინებით ერთობა, როგორც მისი სახელოვანი წინაპარი: წამოიღებს ეს თანამედროვე მოლა ყვარელიდან სოფელ ახალსოფელში თხევადო გაზის ბლონებს, გაასაღებს მანეთ და სამოც კაიკად, დალოცავს, დაამწუალობლებს და, ჰოი, საკვირველებავ! — ნაყიდ გაზს ორ-სამ დღეში გამოსდის წირვა!..

პირველად ეს ოხუნჯობა ახალსოფელეებმა ჩვეულებრივ ხუმრობად მიიღეს, იცინეს, მაგრამ რა იცინეს, მაგრამ, როცა მსგავსი ხუმრობა რამდენჯერმე განმეორდა, მოლას ერთი ოხუნჯობა გაიხსენეს:

...ერთხელ მოლას ცოლი ფლავს აშაღებდა. სანუეკარი სასუსნავის მოლოდინში ნასრედინმა წასთვლიდა და, ნახა რა მისმა ცოლმა ჩაძინებული მეუღლე, მეზობლებს დაუძახა და უკვე გამზადებული ფლავით გაუმასხინებდა. როდესაც მოლამ გაიღვიძა და მეუღლეს ფლავი მოსთხოვა, მან ფლავის მოპარვა კატას გადაბრალა. მოლამ კატა კუდიტ დაითრია. სასწორზე შეაგდო და, გამწარებულმა, ცოლს შესძახა: ეს თუ ფლავია, სადღა არის კატა და. თუ კატა, ფლავი რაღა იქნაო.

მოლას მსგავსად, ახალსოფელეებმაც გაზით სავსე ბლონს ყურებში სტაცეს ხელი, სასწორზე შემოდეს და კილოგრამების მაჩვენებელს ექვიანად შეაღდეს თვალი: იგი 28 კილოგრამს იწონიდა. სამი დღის შემდეგ ტიკივით დაცლილი ბლონი ისევ სასწორთან მიათრიეს. აწონეს და 17 კილოგრამს მისხალი არ დააქლდა (ე ი. გაზის წონა, ნაცვლად 11 კილოგრამისა, 6 კილოგრამი აღმოჩნდა!) ამ მოულოდნელი აღმოჩენით გაკვირვებულმა ახალსოფელეებმა გვთხოვეს, ყვარელგაზისა და გურჯაანგაზის (ყვარელელები გაზის ბლონებით გურჯაანიდან მარადებიან) მესვეურებისათვის გადაგვეცა: თუ ეს გაზია, სადღა არის ბლონი? და თუ ბლონია, სადღაა გაზი?

ქალაქსა თუ რაიონში, ბევრი სასლი ამიგია! არასოდეს სარისხოვნად პარკეტი არ დამიგია!

ჩემი ჩასმული ფანჯარა მე თვითონ ვერ გამიღია! სამშენებლო მასალები სახლშიც ბევრჯერ წამიღია!


მუშახელიც ბევრი მყავდა — ცოცხალი თუ მკვდარი სული.

იმათ ხელფასს მე ვიღებდი, გაანათლოს მათი სული!

როცა ჯიბე გავისქელე და სახელიც გამივარდა, — შემამოწმეს, დამიჭირეს, კოფში ნაცარს ჩამივარდა!


სულ იპოვეს, რაც დაგმალე მარანსა და ნალიაში, რა ჩიტიც ვარ, მეგობრებო, ვზივარ ისეთ გალიაში!

ნიკოლოზ იოსებიძე



ნახატი თემების ავტორები: მ. აბაშიძე, მ. ფირცხალავა, მ. ლომიძე, ვ. კულტაბაძე, მ. თაყაიძე.

სარედაქციო კოლეგია: ზ. ბოლქვაძე (მთ. რედ. მოადგილე), ზ. კაციაშვილი, ზ. ლოლუა, ზ. ლომიძე, ნ. მაღალაშვილი (ხატმ. რედ.).  
 ზ. ნიშნაშვილი, ზ. სინაბუღიანი (ც/მგ. მდიანი), ზ. ფირცხალავა, ო. ზულია.  
 ტექნიკური რედაქტორი მ. კუხალიშვილი, მ. თბილისი, რუსთაველის პროსპექტი № 42, ო. საბარათველოს კვ. ცა-ის განომცემლობა, გ. ბალაშაპა ასაწორობად 25/11-76 წ. ხალომწირობის დასაბამოდ 18/11-76 წ. კალაქის ზომი 70 X 108/16.  
 ფოტოტექნიკური რედაქტორი 1. სააღრიცხვო-საგომომცემლო თბილისი 1,6 ო. საბარათველოს კვ. ცა-ის განომცემლობის სტამბა, თბილისი, ლენინსკი. 14. ო. შაბა. 802. ჰმ. 00692. ტირ. 139.000.  
 საბარათველო-საგომომცემლო ტიპოგრაფია: ტიპოგრაფია. ტბილისი, ულ. ლენინა № 14. რედ. კოლეგიაში შემოსული მასალები ავტორებს არ უბრუნდება.



მთავარი რედაქტორი ზურაბან გამაზაშვილი



1890 წელს პატარა სოფელ ვუნდიდ-ნიისთან მხეცურად გაელიტეს უიორალო ინდიელთა ტომი სიუ. ვუნდიდ-ნიი დიდი ხანია გენოციდის სიმბოლოდ გადაიქცა, რომელსაც ამერიკის მთავრობა ადგილობრივი მოსახლეობის წინააღმდეგ ატარებდა. ამჟამად პენტაგონის აპარატი ცდილობს, სულ სხვაგვარად წარმოადგინოს ეს ამბავი ინდიელები თვითონ დაესხნენ თავს საბრალო, დაუცველ ამერიკელებს და აპარატმა გაიწიოთ წინა. ამით პენტაგონი აიძულებს სენატს, უარი თქვას იმ კომპენსაციანზე, რასაც სიუები უხდოდა ვუნდიდ-ნიის მსხვერპლთა შიამოშაველებს.

ნახ. გ. ლომიძისა



ისტორიის პენტაგონისაგან პორაქმები